

INTERVJU Goran Salihović, predsjednik Općinskog suda

Čak 388 osuđenika čeka na odsluženje kazne

Nedopustivo je da zbog punih zatvora kriminalci slobodno šetaju gradom jer se time daje negativan primjer mnogima da nekažnjeno smiju činiti krivična djela

Razgovarala:
Mihneta AVDIĆ

Nedostatak prostora u kazne-nepopравnim zavodima (KPZ) u Federaciji problem je o kojem se već duže vrijeme govori, ali se ne rješava. Zbog toga veliki broj osuđenika godinama čeka da ode na izdržavanje zatvorske kazne, a problem je naročito izražen u glavnom gradu BiH.

O ovom i drugim problemima za „Dnevni avaz“ je govorio predsjednik Općinskog suda u Sarajevu Goran Salihović.

Povećanje broja

□ **Koliko osoba, koje je Općinski sud osudio, čeka da ode u zatvor?**

- Na spisku trenutno imamo 388 osuđenika koji trebaju ići na izdržavanje kazne, ali su još na slobodi jer je sarajevski zatvor pretrpan. U tom se zatvoru mjesečno oslobode dva do četiri mjesta i ovim tempom trebat će oko pet godina da svi ovi osuđenici odu na izdržavanje kazne. A ne treba zaboraviti da se broj osuđenika stalno povećava.

□ **Zašto te osuđenike ne pošaljete u neki drugi zatvor gdje ima mjesta?**

- To nije moguće jer, prema sadašnjem federalnom pravilni-



Salihović: Ministar ne želi mijenjati pravilnik

ku o upućivanju osuđenih osoba na izdržavanje kazne zatvora, osuđenike općinskog suda možemo slati samo u sarajevski zatvor. Mi smo tražili od federalnog ministra pravde da promijeni pravilnik, ali zasad bez uspjeha.

□ **Ima li među tih 388 osuđenika i opasnih kriminalaca?**

- Naravno da ima. Ne znam koliko ih je tačno osuđeno za

teške zločine kao što su ubistva i drugo, ali sigurno znam da je među njima dosta onih koji predstavljaju svakodnevnu opasnost za građane.

Nedopustivo je da zbog punih zatvora takvi ljudi slobodno šetaju gradom jer se time daje negativan primjer mnogima koji će zaključiti da nekažnjeno smiju činiti krivična djela.

Brže sudstvo

□ **Ko je krivac za takvu situaciju?**

- Izvršna vlast treba obezbijediti dovoljno zatvorskih mjesta. Broj osuđenika stalno raste jer sudstvo očigledno u ovom segmentu radi puno brže od

Napuštene kasarne

- Kada je u pitanju sarajevski zatvor, smatram da nema drugog rješenja nego ga izmjestiti izvan grada. Nema nigdje u svijetu da se zatvor nalazi u strogom centru grada i još u sastavu suda. Pogodne lokacije za novi zatvor su na Igmanu ili u Ustikolini, ali u svim dijelovima Federacije postoje mnoge napuštene kasarne koje se jednostavno mogu prepraviti u zatvore.

Uknjižba stanova počinje ubrzo

Na pitanje da prokomentira očekivanja Udruženja „Dom“ da im, nakon što je Federalni parlament usvojio zakonsko rješenje, Općinski sud u Sarajevu omogući brzu i učinkovitu uknjižbu otkupljenih naciona-

liziranih stanova, Salihović odgovara da će to biti ubrzo.

- Čim taj zakon bude objavljen u Službenim novinama FBiH mi ćemo krenuti sa njegovom primjenom i početi s radom na tim predmetima - kaže Salihović.

izvršnih vlasti.

Problem nedostatka zatvora potenciram već dvije godine putem medija, ali dok se u to ozbiljno ne uključe izvršne i zakonodavne vlasti u FBiH, on neće biti riješen.